



შირაკი

SHIRAKI

გამოცემის 1937 წლიდან
დედოფლისწყაროს მუნიციპალიტეტის გაზეთი

№15 (10.023)

7-14 მაისი 2022 წელი

ფასი: 60 თეთრი

ყოველკვირეული გამოცემა

წიგნი საუკეთესო მეგობარია



შვიდწლიანი ვაჟის შამფა მირზაანში ბიბლიოთეკა გაიხსნა. 2015 წლიდან წიგნის ფონდი, რომელიც 8 499 წიგნს მოიცავს, ბიბლიოთეკარის შორენა ნიკლაურის სახლში ინახებოდა. ამჟამად ბიბლიოთეკა ბინას მირზაანის ადმინისტრაციულ შენობაში დაიწყო.

2015 წელს, მირზაანის ბიბლიოთეკა ზემო მანხაანის სკოლის ხანძარს შეეწირა. „მირზაანის ბიბლიოთეკა იყო სოფლის სკოლის შენობაში. მოგესხენებათ, მანხაანის სკოლა დაინვა და მოსწავლეებმა მირზაანის სკოლაში განაგრძეს სწავლა. ბავშვებს აღარ ჰყოფნიდათ საკლასო ოთახები და ამიტომ, იძულებული ვიყავით, ბიბლიოთეკის ოთახიც მათთვის დაგვეთმო. ასე აღმოჩნდა წიგნები ჩემს სახლში“- იხსენებს შორენა ნიკლაური.

დედოფლისწყაროს მუნიციპალიტეტის მერის ნიკოლოზ ჯანიაშვილის, მირზაანის რწმუნებულის აკაკი თარაშვილის, დედოფლისწყაროს მუნიციპალიტეტის საკრებულოს მაჟორიტარი დეპუტატის ივანე ნატროშვილისა და კულტურისა და ძეგლთა დაცვის ცენტრის დირექტორის ილია მარტყოფლიშვილის ძალისხმევით, მირზაანის ადმინისტრაციულ შენობაში სარეაბილიტაციო სამუშაოები ჩაუტარდა ოთახს, სადაც ბიბლიოთეკა განთავსდა.

6 მაისს ის საზეიმოდ გაიხსნა. ცერემონიაზე დედოფლისწყაროს მუნიციპალიტეტის მერიისა და საკრებულოს წარმომადგენლები ესწრებოდნენ.

მალხაზ მირაბიშვილი, დედოფლისწყაროს მუნიციპალიტეტის მერიის მოადგილე: „ყოველთვის გული მწყდებოდა, რომ ამ ულამაზეს და ისტორიულ სოფელს ბიბლიოთეკა არ ჰქონდა. ახლა სინამდვილეთი მოვდიოდი თქვენთან, რადგან ვიცოდი, რომ ბიბლიოთეკის დაბადება ერთად უნდა გვეხებოდა. მიხარია, რომ სოფლის მოსახლეობას ამიერიდან შეეძლება სასურველი წიგნის მოძიება და გატანა, ეს განსაკუთრებით მომავალ თაობას ეხება“.

თამარ თამაზაშვილი, დედოფლისწყაროს მუნიციპალიტეტის მერიის განათლების, ახალგაზრდობის, სპორტის, კულტურისა და ძეგლთა დაცვის სამსახურის უფროსი: „ქრისტე აღდგა! გილოცავთ გიორგობას! დიდი დღეა დღეს. და დიდი დღეა იმიტომაც, რომ აღდგა ბიბლიოთეკა მირზაანში. ამ წიგნებმა დაკარგეს თავიანთი ბინა, ამას შესანიშნავად გაუძღვა და თავი მოაბა ქალბატონმა შორენამ, და სათუთად შეინახა წიგნები. თქვენ ნახეთ, როგორაა შენახული ისინი. ადამიანებს, განსაკუთრებით კი ბავშვებს სჭირდება ცოდნის წყარო, არაფორმალური განათლება ძალიან მნიშვნელოვანია არა მხოლოდ ბიბლიოთეკის სახით, არამედ ზოგადად. ვერავითარი ელექტრონული წიგნი ვერ შეცვლის წიგნის ტრადიციულ ფორმატს, რომელიც მოზარდს ცოდნის მიღებასთან ერთად თვალსაწიერს უფითარებს“.

მანანა მაჭარაშვილი, დედოფლისწყაროს ცენტრალური ბიბლიოთეკის დირექტორი: „მირზაანის ბიბლიოთეკა მოიცავს 8 499 წიგნს. მიუხედავად იმისა, რომ ის აქამდე ბიბლიოთეკარის ოჯახში ინახებოდა, მაინც მოქმედი იყო და ბავშვებს სასურველი ლიტერატურის მოძიებაში აქტიურად ეხმარებოდა შორენა ნიკლაური“. მანანა მაჭარაშვილმა ბიბლიოთეკის აღდგენისათვის მადლობა გადაუხადა მუნიციპალიტეტის ხელმძღვანელობას.

დედოფლისწყაროს მუნიციპალიტეტის კულტურისა და ძეგლთა დაცვის ცენტრის დირექტორმა ილია მარტყოფლიშვილმა ღონისძიების დასასრულს მირზაანის ბიბლიოთეკარს შორენა ნიკლაურს განუხილავად მადლობა გადაუხადა და ის სიგელით დააჯილდოვა. ბიბლიოთეკის ეზოში ნორჩი წიგნის მოყვარულების მონაწილეობით კონცერტი გაიმართა. ბიბლიოთეკის კვირეულის დახურვა დედოფლისწყაროში სოფელ მირზაანში ბიბლიოთეკის აღდგენით აღინიშნა.

წიგნი მნიშვნელოვანი ინფორმაციის გადაცემის საშუალებაა, ცოდნის გავრცელების, განათლებისა და აღზრდის იარაღი. ცოდნის გადაცემის უპირველესი მეთოდი კაცობრიობის ისტორიაში ზეპირი გადაცემა იყო. ხოლო, როდესაც ევროპაში დაიწყო წიგნის სანარმოებლად ქალაქის გამოყენება, უფრო მარტივი გახდა ინფორმაციის გადაცემა. ლიტერატურა სულიერების მასაზრდოებელია. მისი გავლენა ადამიანზე ძალიან დიდია.

წიგნს შუაშია იყოს ადამიანის საუკეთესო მრჩეველი, რადგან მას შესწავს ძალა, ადამიანი დააფიქროს ცხოვრებაზე, არსებობაზე, სირთულეებზე, პრობლემების გადაჭრის გზებზე, გრძნობებსა და ემოციებზე, დამოკიდებულებებზე მოვლენების მიმართ, ზოგადად კაცობრივ თემაზე...

ინგა შიოლაშვილი



ტურიზმის განვითარების შესაძლებლობების გამოსაყენებლად

დედოფლისწყაროს მუნიციპალიტეტში დედოფლისწყაროს ტურიზმის განვითარების ასოციაციასთან ერთად გრძელდება, ესტონეთის საგარეო საქმეთა სამინისტროს მიერ დაფინანსებული, ესტონეთის სოფლის ტურიზმის ორგანიზაციის პროექტი „ტურისტული პროდუქტის ხარისხის გაუმჯობესება დედოფლისწყაროში“.

პროექტის აქტივობები დაიწყო 2021 წელს. უკვე ჩატარდა რამდენიმე ღონისძიება: შეხვედრა საქართველოს ტურიზმის ეროვნულ ადმინისტრაციაში, საქართველოში ესტონეთის საელჩოში, ვიზიტები ადგილობრივ ტურისტულ ობიექტებში, ონლაინ სემინარები ტურისტული პროდუქტის ხარისხის პროდუქტების შემუშავების მიზნით და სხვა.

ამ დღეებში ტურიზმის ესტონელი სპეციალისტები კვლავ სტუმრობდნენ დედოფლისწყაროს. ვიზიტის მიზანი ამ ეტაპზე იყო ქართულ მხარესთან ერთობლივად შემუშავებული ტურისტული პროდუქტის ხარისხის კრიტერიუმების პრაქტიკაში დატესტვა ადგილობრივ სიტუაციაზე მოსარგებლად.

მუნიციპალიტეტში იმყოფებოდნენ: ესტონეთის სოფლის ტურიზმის ორგანიზაციის მმართველი საბჭოს თავმჯდომარე ქალბატონი რაინი მინდელა, ესტონეთის სოფლის ტურიზმის ორგანიზაციის პროექტების მენეჯერი სილია ლეჰტაჰუ, ესტონეთის სოფლის ტურიზმის ორგანიზაციის ხარისხის ექსპერტი

ლი სილაჰუ და ესტონეთის სოფლის ტურიზმის ორგანიზაციის მმართველი საბჭოს წევრი პატრიკ პაპი. სტუმრებმა დაათვალიერეს ადგილობრივი ღირსშესანიშნაობები: ხორნაბუჯის ციხე-სიმაგრე, არნივის ხეობა, ელია თეზბიტელის მონასტერი, ვაშლოვანის ეროვნული პარკი. პროექტისთვის პრიორიტეტული მიმართულებაა ტურიზმის სექტორში ახალგაზრდების ჩართვა და ქალი მენარმეების ხელშეწყობა.

დედოფლისწყაროში ვიზიტების დროს ისინი დედოფლისწყაროს ტურიზმის განვითარების ასოციაციის ექსპერტთა ჯგუფთან ერთად ესტუმრნენ იმ ადგილობრივ მენარმეებს, რომლებიც ან უკვე საქმიანობენ ტურიზმის სფეროში გარკვეული პერიოდის განმავლობაში, ან სურთ ტურისტული პროდუქტის შექმნა და გაყიდვა: **საოჯახო სასტუმროებს: „კერა“, „საჯანა“, „თეოს კოტეჯები“, „მერი პოპინსი“, „ქიზიყური ტრადიციული“; ესტუმრნენ გონაშვილების, ნასრაშვილების, ბალაშვილების, „ნინო მერის“ საოჯახო მარნებს, ლოლაშვილების ბიო-ვენახსა და მარანს, გასინჯეს აქ წარმოებული ღვინოები, დააგემოვნეს მიხეილ მაძლარაშვილის ბიო ღვინოც; იყვნენ კულტურულ მემკვიდრეობაზე დაფუძნებულ ობიექტებში: „ფესვები“ არტ-სტუდიაში, ალადაშვილების სამჭედლოში. სტუმრები იმყოფებოდნენ რძის პროდუქტების საწარმოში „ლეანკა“, სადაც გასინჯეს რძის ქართული ნაწარმი და „ლეანკას“ სა-**



ფირმო დესერტი, ზურაბ მასურაშვილის თანამედროვე ფერმაში დაესწრნენ წველის პროცესს და დააგემოვნეს რძისგან დამზადებული ტრადიციული ქართული კერძები, ასევე ქართული ჯიშის ღორის ხორცი და ქართული ქათმის კვერცხი. სოფელ არბოშიკში, თეო ბენაშვილის ფოლოს ბაღში, გასინჯეს ფოლოს საფირმო დესერტი და მონაწილეობა მიიღეს ხინკლის მომზადების პროცესში, არბოშიკშივე მათა ლამაზოშვილის ქიზიყური ტრადიციული ეზოსა და მე-18 საუკუნის სახლში დაათვალიერეს ქიზიყური ყოფის ამსახველი ნივთები და ისწავლეს ტრადიციული კერძის-ჩიხირთის მომზადება. ესტონელი ექსპერტები ორჯერ ესტუმრნენ ვაშლოვანის დაცული ტერიტორიების მეგობართა ასოციაციას კოლოთის ხეობაში და ნახეს, როგორ ვითარდება ეს ობიექტი.

რაიონის ტურისტული ბიზნესების ნახვისას სტუმრებმა აღნიშნეს, რომ დედოფლისწყაროს მუნიციპალიტეტში არსებობს ტურიზმის სხვადასხვა მიმართულების განვითარების ფართო შესაძლებლობები.

ესტონეთის სოფლის ტურიზმის ორგანიზაციას უმასპინძლა დედოფლისწყაროს მუნიციპალიტეტის მერმა ბატონმა ნიკოლოზ ჯანიაშვილმა, რომელმაც სტუმრებს გააცნო ხორნაბუჯის ციხე-სიმაგრესთან მისასვლელი გზის რეაბილიტაციის პროექტი.

ვიზიტის პროცესში სასტუმრო „ავტოგრაფის“ საკონფერენციო დარ-

ბაში ჩატარდა სემინარები ექსპერტთა ჯგუფის წევრების: მანანა ყატაშვილის (ასოციაციის თავმჯდომარე), ანა ბენაშვილის (ასოციაციის საბჭოს წევრი), ნანა ქართველიშვილის (ტურიზმის სპეციალისტი), ნინო სეთურაძის (ვაშლოვანის დაცული ტერიტორიების ადმინისტრაციის ვიზიტორთა სპეციალისტი), მანანა ინაშვილის (კახეთის დესტინაციის მართვის ორგანიზაციის ხარისხის ექსპერტი), ნინო მაძლარაშვილის (საოჯახო მარანი „ნინო მერის“), ხათუნა პოპიაშვილის (საოჯახო სასტუმრო „მერი პოპინსი“) მონაწილეობით.

მსტონელების უმადლო მიზიგით შამოლოვანაზე იგეგმება. გათვალისწინებულია ადგილობრივ მენარმეთა სწავლება ტურისტული პროდუქტის ხარისხის კრიტერიუმების პრაქტიკულად დანერგვის მიზნით; ასევე-ხარისხის კრიტერიუმების და სისტემის განვითარება და შესაბამისი ღონისძიებების მომზადება ქართულ და ინგლისურ ენაზე; თანამედროვე ტურისტული პროდუქტის შექმნა, განვითარება და გაყიდვა, ტურიზმის ასოციაციის წევრი ადგილობრივი მენარმეების სასწავლო ვიზიტი მსტონეთში გამოცდილების გაზიარების მიზნით და სხვა ღონისძიებები.

მანანა ყატაშვილი
დედოფლისწყაროს ტურიზმის განვითარების ასოციაციის თავმჯდომარე



უკრაინელი ლტოლვილები მოინახულეს



დედოფლისწყაროს მუნიციპალიტეტის მერმა ნიკოლოზ ჯანიაშვილმა და საკრებულოს თავმჯდომარე ნუშპარ პაპინაშვილმა ოზაანის ადმინისტრაციულ ერთეულში უკრაინელი ლტოლვილები მოინახულეს. ნიკოლოზ ჯანიაშვილმა და ნუშპარ პაპიაშვილმა ანდრეი ნიკონენკოსა და ოლენა კალიუჟნას ოჯახს საკვები პროდუქტები და ჰიგიენური საშუალებები გადასცეს და მათ მშვიდობა და სამშობლოში მალე დაბრუნება უსურვეს. ახალგაზრდების ოჯახი ოზაანში 6 თვის ქალიშვილთან-ვალერიასთან ერთად ქალაქ ხარკოვიდან ჩამოვიდა.

სახალხო დამცველის აპარატის წარმომადგენლები დედოფლისწყაროში

სახალხო დამცველის აპარატის თანასწორობის დეპარტამენტის წარმომადგენლებმა დედოფლისწყაროს მუნიციპალიტეტის მერიისა და საკრებულოს თანამშრომლებთან საინფორმაციო შეხვედრა გამართეს.

მათ შეხვედრის მონაწილეებს თანასწორობის უფლებების დაცვის კუთხით სახალხო დამცველის უფლებამოსილებები და ანტი-დისკრიმინაციული კანონმდებლობაში განხორციელებული უახლესი ცვლილებები გააცნეს.

ღონისძიების დასასრულს გამართული დისკუსიის ფარგლებში შეხვედრის მონაწილეებს შესაძლებლობა მიეცათ,



გამოეხატათ საკუთარი მოსაზრებები და მიეღოთ პასუხები შეხვედრის განმავლობაში განხილული ცალკეული საკითხების შესახებ. გარდა ამისა, მხარეებმა გამოთქვეს ერთმანეთთან სამომავლო თანამშრომლობის მზაობა.

ევროკომისიის კითხვარის პირველი ნაწილი საქართველოში უკვე შეავსო

საქართველოს პრემიერ-მინისტრმა ირაკლი ლარიაშვილმა, მთავრობის ადმინისტრაციაში, ევროკავშირის წარმომადგენლობის ხელმძღვანელს კარლ ჰარცელს ევროკომისიის კითხვარის პირველი ნაწილი გადასცა, რომელიც ქვეყანამ უკვე შეავსო.

„მაქვს პატივი, გამოგეთ ევროკომისიის კითხვარზე ჩვენი პასუხები, ევროკავშირში განვერიანებასთან დაკავშირებით საქართველოს მიერ წარდგენილ განაცხადზე დასკვნის მოსამზადებლად“, - განაცხადა პრემიერმა.

ევროკავშირის ელჩმა საქართველოს წარმატებები უსურვა და აღნიშნა, რომ მისთვის პატივია ამ ისტორიულ პროცესში მონაწილეობა.

„მინდა, დიდი მადლობა გადაგიხადოთ და ხაზგასმით აღვნიშნო, რომ ჩემთვის დიდი პატივია, ვიყო კიდევ ერთი ისტორიული მომენტის მონაწილე და თქვენს გვერდით ვიდგე ამ ცივილიზაციური არჩევნისკენ მიმავალ გზაზე“, - განაცხადა კარლ ჰარცელმა.

მთავრობის მეთაურმა აღნიშნა, რომ საქართველოს ხელისუფლება, ყველა შესაბამისი სახელმწიფო უწყება განაგრძობს ინტენსიურ მუშაობას კითხვარის მეორე, სექტორული ნაწილის შევსებაზე, რომელიც 33 თავს და მოიცავს 2300-მდე კითხვას აერთიანებს. ირაკლი ლარიაშვილის განცხადებით, საქართველოს მთავრობის სურვილია, კითხვარის მეორე ნაწილი ევროკავშირის დათქმულ ვადაზე ადრე მიანოდოს და ამისთვის უწყებები ძალისხმევას არ დაიშურებენ.

როგორც ცნობილია, შევსებული კითხვარის მიღების შემდგომ, ევროკომისია დაიწყებს საკუთარი შეფასების ანგარიშის მომზადებას, რომელიც ევროკავშირის საბჭოს გადაეცემა და საბჭო შესაბამის გადანყვეტილებას, საგარეუდოდ, იენისის ბოლოს მიიღებს.



დავით პატატიშვილი - პოეტი მემომარი 1918-1944 წწ

9 მაისს ქართველი ხალხი ზეიმობს უდიდეს გამარჯვებას, რომელიც მან ესოდენ დიდი მსხვერპლის ფასად მოი-



პოვა 1941-45 წლების მეორე მსოფლიო ომში.

2528 შინმოუსვლელი ჰყავს დედოფლისწყაროს მუნიციპალიტეტს. რაიონიდან სულ 5070 კაცი წავიდა ფრონტზე. რამდენი ცრემლი და სისხლი დაიღვარა, რამდენი საუკეთესო მამულიძვილი შეენირა ამ ომს. არასოდეს გაფერმკრთალდება სისხლით დანერილი ისტორიის ფურცლები. არასოდეს წაიშლება ხალხში იმ ვაჟკაცთა ხსოვნა, ვისთვისაც „საქართველო იყო საოცნებო სახელი“.

დღეს ჩვენ გავიხსენებთ ომში დაღუპულ ახალგაზრდა ქართველ პოეტს დავით პატატიშვილს. ის დაიბადა 1918 წლის 26 ივნისს დედოფლისწყაროს მუნიციპალიტეტის სოფელ არბოშიკში. სწავლობდა მშობლიური სოფლის სკოლაში, სიღნაღის პედაგოგიურ ტექნიკუმში, შემდეგ ქუთაისის პედაგოგიურ ინსტიტუტში, რომელიც წარჩინებით დაამთავრა 1940 წელს და ქართული ენისა და ლიტერატურის მასწავლებლად და სასწავლო ნაწილის გამგედ დაინიშნა სოფელ ზემო მაჩხაანის საშუალო სკოლაში.

ომის დაწყებისთანავე დავით პატატიშვილი ფრონტზეა. იბრძოდა ბესარაბიასა და სტალინგრადში, ვოროშილოვგრადსა და კოტოვსკში, ჩერკასკასა და პოლტავაში, მოსკოვსა და სმოლენსკში, ხარკოვსა და ორშაში...

იგი ბრძოლის ველზე დაიღუპა 25 წლის ასაკში. სამხედრო ნაწილიდან მის მშობლებს მოუვიდათ ბედად გადარჩენილი ლექსების უბის ნიგნაკი „გული და ქარიშხალი“, ეს არის ბრძოლის ველზე, სანგრებში, ტყეში, ქარ-ცეცხლში, თოვლსა და

წვიმაში, ჯარისკაცულ გზებზე ნაწერი სტრიქონები. პოეტს მათთვის ერთ ნიგნაკში მოუყურია თავი, თვითონ დაულაგებია, ნიგნაკიც თვითონ შეუკერია გაყვითლებული ფურცლებისგან. ეს არის სისხლით ნაწერი, ტყვიით ნაწერი, სიცოცხლით ნაწერი ნიგნი. როცა ამ გაცრეცილ ფერგადაცილებულ ნიგნაკს ფურცლავთ და ჩასცქერით, ურწოლა გივლით, ამ გვერდებიდან მოჰქუხს ბობოქარი სული ჭაბუკი ქართველი პოეტისა, რომელიც სიცოცხლით ჯერ არც კი დამტკბარა, რომელმაც სამი თვის შერთული მეუღლე დატოვა და ჯარისკაცის ფარაჯა ჩაიცვა.

„დამარტყან სმალი, ვერ მნახვენ მტირალს, მაწვიმს ლაჟვარდი და საფირონი, მელოდე, ლამაზო, მელოდე, მოვალ და სიყვარულს მოგიტან“.

მე უველაფერზე, უველაფერზე ვიფიქრე დიდხანს, მაგრამ სიკვდილზე, მეგობრებო, არც ერთი წამი.

პოეტის 60 წლისთავისადმი გამოცემულია ერთადერთი კრებული „გული და ქარიშხალი“.



ნიგნის ერთი ეგზემპლარი ინახება დედოფლისწყაროს მხარეთმცოდნეობის მუზეუმის ფონდში. რედაქტორი ა.ბრეგაძე აღნიშნავს: „პოეზია, მართლაც სასწაულია და ჩვენ სასწაულებრივად გაგვიცოცხლდა ქართველი პოეტების ძძლავრი არმია-მირზა გელოვანი, გიორგი ნაფეტვარიძე, ვლადიმერ უბილავა და მათთან ერთად არის ერთი ნიჭიერი პოეტი-ჯარისკაცი დავით პატატიშვილი.

„სიკვდილით ორგზის უკვდავი გახდი, როგორც მკოხანი და მკომარი, მშობელი ხალხის გულში დასახლდი, ხალხის გულისთვის ომში მომკვდანი, გულ-მკერდს უკოცნის, როგორც დედ-შვილს,

მზე მჩანჩახე ციფ-კომბარის მთებს და ღამე, როცა შავ ნაბდებს გაშლის, ცა სანთლებივით ვარსკვლავებს გინთებს“.

ასე მიმართავს შინმოუსვლელ პოეტს თანასოფლელი ჯუმბერ უთრუთაშვილი.

ქართული მხატვრული სიტყვის ოსტატი დავით პატატიშვილი ფრონტის წინა ხაზზე იბრძოდა. მისი ამქვეყნად სიცოცხლე ერთ გაელვებას ჰგავდა, ის ომში იყო, მაგრამ სულით არასოდეს დაცემულა, სწამდა, რომ მკერდს დააჩნდებოდა ბრძოლის ნიშანი, მაგრამ კვლავ დადგებოდა მშვიდი და მყუდრო დღეები და პოეზიის სასწაულებრივი ძალა კვლავ გააცოცხლებდა.



ამაზე წერდა: „თუ დავეცმი, კვლავ გაუცოცხლდები, პოეზია ხომ სასწაულია“.

მის სახელს დავინწყება არ უნერია, ქ.დედოფლისწყაროში ერთ-ერთი ქუჩა მის სახელს ატარებს, ხოლო მისი მშობლიური სოფლის საჯარო სკოლის ეზოში დგას დავით პატატიშვილის ბიუსტი. 2005 წლამდე სკოლაც მისი სახელობის იყო, მაგრამ ქვეყნის მაშინდელმა ხელმძღვანელობამ არასაჭიროდ მიიჩნია სკოლებისთვის ვინმეს სახელების მინიჭება და გააუქმა ისინი. ამან საზოგადოების დიდი გულისტკივილი გამოიწვია. მასში არაერთგულად მარცვალი დაინახეს, რადგან დამსახურებული ადამიანების სახელები და მათ მიერ გაკეთებული დიდი საქმეები უგულვებელყოფილი იქნა. სასურველი იქნება, თუ განათლების სამინისტრო აღადგენს სკოლებისთვის მინიჭებულ გამორჩეული ადამიანების სახელებს. ვფიქრობთ, ეს იქნება წინგადადგმული ერთი პატრიოტული ნაბიჯი.

ქართველმა ხალხმა ომში დაღუპულთა ხსოვნის საპა-

ტივსაცემოდ ააგო შინმოუსვლელთა ძეგლები და ობელისკები. ერთ-ერთი ლამაზი ადგილი შეარჩიეს ობელისკისთვის არბოშიკელებმა. სოფლის თავზე, შემაღლებული ადგილიდან, 485 შინმოუსვლელის სული გადმოჰყურებს მშობლიურ სოფელს. ომში წასული 830 ადამიანიდან ნახევარზე მეტი ველარ დაუბრუნდა საკუთარ კერას. მათ შორის კამკამა ვარსკვლავად ანთია შინმოუსვლელი პოეტის დავით პატატიშვილის სახელი-მარად ჭაბუკად დარჩენილი მამულიძვილი.

დღეს ყველა ადამიანს სჯერა, რომ ხვალინდელი დღე დღევანდელზე ნათელი იქნება, ყველა მათგანს უსაზღვროდ უყვარს მრავალჭირგამოვლილი თავისი მინა-წყალი, პატივს სცემს მის წარსულს, აწმყოს და მომავალს. ამიტომ ნატრობს მშვიდობას საკუთარ ქვეყანასა და მსოფლიოში.

ლალი ბასილაშვილი, დედოფლისწყაროს მხარეთმცოდნეობის მუზეუმის სპეციალისტი

ტრადიცია - საჯილდაო ქვე!

„კულტურა, როგორც სახე და ანარეკლი ქვეყნისა“ და „ტრადიცია, როგორც სულიერი მემკვიდრეობა“ — ეს ფრაზები ლაიტმოტივად გასდევდა მთელ იმ სემინარ-კონცერტს, რომელსაც ყველა ასაკის წარმომადგენელი სულგანაბული უსმენდა. მისი ავტორის იუმორსარევი საუბრის მანერით, მსუბუქად მოტანილი, თუმცა გააზრებული მძიმე და პრობლემური საკითხები, უკვე აფიქრებდა დამსწრე საზოგადოებას, თუ რა დილემის წინაშე ვდგავართ - ტრადიციები თუ თანამედროვეობა?

რა არის ტრადიციები? რატომ გვგონია, რომ ისინი მოძველებული ანდაც უსარგებლოა? რითი ვამაყობთ? რატომ გვადიარებენ მსოფლიო კულტურის ნაწილად? რითი უნდა ვიამაყოთ და როგორ უნდა ავუნყოთ თანამედროვეობის მურმივ რბოლას ფეხი? შეხვედრა, ერთი შეხედვით, ყველასთვის ნაცნობ თემებს მიეძღვნა, უმეტესობას რომ სიამაყით გვაქვს ერთხელ მაინც ნახსენები და ხოტბა შესხმული. ისეთი თემები, როგორიცაა: ქართული ენა და ანბანი, საეკლესიო ხუროთმოძღვრება, უნიკალური საგალობლები, მართლმადიდებლურ სამყაროში უნარსად მრავალხმიანი ლიტურგია, საეკლესიო ხატუნა, ღვინო, როგორც ჩვენი კულტურის ერთ-ერთი სავიზიტო ბარათი, ქვეყნის ღვინო, ყურძენი და მისი 500-ზე მეტი ჯიშო, საქართველო, როგორც ხორბლის სამშობლო, ქართული სამზარეულო (რომელსაც ხოტბას ასხამდნენ ისეთი ცნობილი ადამიანები, როგორებიც იყვნენ შარდენი, ალექსანდრე დიუმა, ლამბერტი და სხვანი და სხვანი), ქართული სუფრა, რომელიც იმდენი ხნისაა, რამდენისაც ქართული ღვინო, ქართული სუფრის ტრადიციები, ქართველი ერი, როგორც მეომარი სულის მქონე ეთნოსი, ტოლერანტობა და ტრადიციები, ფიროსმანი, ვაჟა-ფშაველა, მერაბ მამარდაშვილი, მიხეილ ხერგიანი, ლაშა ტალახაძე და ლაშა ბექაური, როგორც თანამედროვე საქართველოს ღირსეული შვილები და წარმომადგენლები.

ამ საინტერესო საკითხებთან დაკავშირებით, რომელიც გულგრილს ვერავის დატოვებდა, დედოფლისწყაროს კულტურის სახლის სცენაზე ხელოვნებათმცოდნეობის დოქტორის, პროფესორის, ფოლკლორისტიკის, საქართველოს სახელმწიფო პრემიის ლაურეატის და დედოფლისწყაროს საპატიო მოქალაქის, მინა ბაღაშვილის საგანმანათლებლო სემინარი-კონცერტი „ტრადიცია და თანამედროვეობა“ გაიმართა. გია ბაღაშვილი კულტურის ცენტრის დარბაზში შეკრებილ საზოგადოებას ქართულ ტრადიციებსა და თანამედროვე ეპოქაში მათ შენარჩუნება/დაცვაზე ესაუბრა. გია ბაღაშვილი: „უღრმეს მადლობას მოგახსენებთ აქ ყოფნისთვის, ჩემთვის დიდი პატივი, ბედნიერება და სიხარულია თქვენთან შეხვედრა. საკუთარ მინა-წყალს არასდროს მოვშორებულვარ შინაგანად, მაგრამ დედოფლისწყაროში ყოფნა, მაინც განსაკუთრებული შეგრძნებაა. იმასაც ვიტყვი, რომ ჩემთვის დიდი მადლი და პატივია საპატიო დედოფლისწყაროელობა.“ - ასე მიესალმა ბატონი გია შეკრებილ საზოგადოებას და შემოთ ნახსენები თემები დეტალურად განიხილა, თუ რატომ გვჭირდება ჩვენ ტრადიციების დაცვა და მისი შენარჩუნება თანამედროვეობის კვალდაკვალ.

„ნებისმიერ ქვეყანაში, სადაც უნდა ვიყო, ვცდილობ მაქსიმალურად წარმოვარჩინო ჩვენი ქვეყანა იმ კუთხით, რომელიც ჩემი მოღვაწეობის სფეროა და არამარტო. ძალიან მიხარია, რომ ამ შეხვედრამ გამოიწვია ინტერესი. ვფიქრობ, ამის ერთ-ერთი მიზეზი, სწორედ აქტუალურობაა იმ თემებისა, რასაც ეროვნული სატკივარი ჰქვია. ეროვნული პრობლემების მიმართ არ შემცირებულა ყურადღება, მიუხედავად მათ მიმართ ხშირად ნიჰილისტური და ზედაპირული დამოკიდებულებისა. რაც დრო გადის, ვფიქრობ, ის, რასაც ჩვენ ვუნოდებთ ანბანურ წყმმარილებას და რაც შეიძლება ინოდებოდეს წარუვალ, მუდმივ ღირებულებებზე, რომელთა მნიშვნელობაც აქსიომატური უნდა იყოს, ნელ-ნელა დავიწყების პირასაა. როდესაც ამ ღირებულებათა სრულიად არალოგიკური გადაფასება მიმდინარეობს, ეს პროცესი შეიძლება სახიფათო აღმოჩნდეს ჩვენი შემდგომი თაობებისთვის. ჩვენი შვილების ტრადიციების დამახანჩვებულად წარმოჩენას და ღირებულ ასპექტებზე მახვილების არასწორ დასმას, უმეტესწილად, ფაქტურ შედეგებამდე მივყავართ ხოლმე. რადგან, სწორედ ეს თაობაა ყველაზე მეტად მონყვლადი. ჩემი სემინარის მიზანიც ისაა, რომ ჩვენს და მომავალ თაობას შევასხენოთ ეროვნული ღირებულებები, რათა უკეთ ვიყოთ შეიარაღებული იმ ცნობებით, რომელიც დღევანდელ დღეს ყველაზე მნიშვნელოვანია. ვინაიდან, დღეს, სწორედ ინფორმაცია ყველაზე მთავარი და ამ საინფორმაციო ომსა თუ ჭიდილში მთელი კაცობრიობა ლაშობს, რომ თავისი კულტურა მაქსიმალურად წარმოაჩინოს. საჭიროა გავითავისოთ, რომ რაც უფრო უძველესი ისტორიის მქონეა ერი, მით უფრო ღირებულია



მისი ტრადიციები როგორ თავად მისთვის, ასევე მთელი მსოფლიოსთვისაც, რასაც აღიარებს კიდევ საერთაშორისო საზოგადოება“.

ბატონმა გიამ მისთვის დამახასიათებელი იუმორითა და სწორი აქცენტებით დარბაზამდე მოიტანა ისეთი მნიშვნელოვანი ადამიანების ნააზრევი, როგორებიც იყვნენ შოთა რუსთაველი, ვაჟა-ფშაველა, მერაბ მამარდაშვილი, აბოროსი ხელაია. ხალხური სიბრძნით გადმოცემული საკაცობრიო მნიშვნელობის სულიერი მხარეები, რასაც მსოფლიოს ვუზიარებთ და მსოფლიო კი სწორედ ამიტომ გვაღიარებს და გვაფასებს ჩვენ. ამის ნათელი მაგალითი კი ტოლერანტობისა და ადამიან-



ნობის გამოხატულების მქონე ხალხური ლექსის წარდგენა გახლდათ, რომელიც ხაზს უსვამს ქართველს, როგორც ჰუმანურობისა და განსხვავებულის პატივისცემის ეტალონს: „წუთისოფლი რა არი? აგორებული ქვა არი, რა წამს კი დაფიბადებით, იქვე საფლავი შუა არი. სანა სოფელში მიხვიდე, სუფელგან ორი გზა არი. შუაში არის ხმელეთი, გარშემო დიდი ზღვა არი. ყველა ადამის შვილი ვართ, თათარიც ჩვენი მამა არი, თუ ქალი გეტყვის დობასა, ის უკეთესი და არი. აგრეთი გქონდეს გუნება, ვით მოწმენდილი ცა არი, თუ არ იწამებ ამასა, მუცლით ნაშობი რა არი?“

მა გამოვხატო დედოფლისწყაროელების მიმართ, რადგან მე არ მახსოვს როდის-მე აქ, ამ დარბაზში, ვყოფილიყავი და ეს დარბაზი არ ყოფილიყოს სახეს. თქვენი მასურებელი განსაკუთრებით მაღალი კულტურით, გემოვნებითა და დამოკიდებულებით გამოირჩევა სტუმრებისა და განსაკუთრებით, ხელოვნების მიმართ.“ - განაცხადა ლეილა ლეილაშვილმა, კახეთის სამხარეო ადმინისტრაციის წარმომადგენელმა.

ლონისძიებამი მონაწილეობდნენ ადგილობრივი ანსამბლებიც, ჰამლეტ გონაშვილის გალობის სკოლის მოსწავლეები (ხელმძღვანელი: ნიკა შანშაშვილი), ანსამბლი „ხორნაბუჯი“ (ხელმძღვანელი: ლექსო გრემელაშვილი) და წმ.მეფე ვახტანგ გორგასლის სკოლა-ინტერნატის ალსაზრდელები (ხელმძღვანელი მია ლეკაშვილი). ბატონმა გიამ მათთან ერთად შეასრულა ყველასთვის ნაცნობი ქართული ხალხური სიმღერები და საზოგადოებას ბოლოს ამ სიტყვებით მიმართა: „თუ ჩემი საუბარი ოდნავ მაინც მისწვდება ჩვენი ახალგაზრდა თაობის სულს, ძალიან ბედნიერი ვიქნები. ჩვენ ხშირად უნდა ვუმეოროთ მათ ტრადიციების დადებითი აქცენტები და დავეხმაროთ ჩვენამდე არასწორად შემორჩენილი ტრადიციების სწორად გაგებასა და აღქმას“.

„ლეილა შიბაშვილის წყაროდ უნდა იქცეს და არამხოლოდ ცოდნის მიღების საშუალებად“ - აღნიშნა ასევე ბატონმა გიამ და შეუძლებელია არ დაეთანხმო. ლექციის დასასრულს, ყოველი ჩვენგანი თუ არა, დარბაზში მყოფთა უმეტესობა მაინც, კვლავ დაფიქრდა, თუ რანი ვართ, სად ვიმყოფებით და საით გვინდა რომ წავიდეთ. დაფიქრდით მინიმუმ იმაზე, რომ მსოფლიოში ძნელად მოიპოვება ქვეყანა, რომელსაც ჩვენი სამშობლოს მსგავსად ერთიანი კულტურული, ისტორიული, ენობრივი, სარწმუნოებრივი გზა გააჩნდეს. ისევე ბატონ გიას თუ დავესესხებით, თანამედროვეობასთან მუდმივ ჭიდილში მყოფებს, თუ დავავინწყდება ტრადიციები და ის, საიდან მოუღვივართ, მაშინ „თუ არაფერი შემპვიძმინა, არც არაფერი გვიპუთვინს“.

ფიროსმანი, ვაჟა-ფშაველა, მიხეილ ხერგიანი, მერაბ მამარდაშვილი, ლაშა ბექაური, ლაშა ტალახაძე და სხვანი და სხვანი - ამ ხალხის ქვეყანა ვართ ჩვენ. ღვინის, ხორბლისა და ყურძნის სამშობლო, რომლის წარმომადგენლის სიტყვაც კანონზე ძლიერი იყო და რომელიც ამ სიტყვას არასდროს ტყბდა. ეს იყო და ასეთი გვინდა ჩვენ მომავალი საქართველოს თაობები. პატიოსანი, ერზე და მამულზე მზრუნველი, სარწმუნოებისა და რწმენის მქონე, რომელსაც სიტყვა „ტრადიციად“ ზღვარგადასული ღრეობა კი არა, 10, 000-ზე მეტი საგალობელი, ყურძნის 500-ზე მეტი და ხორბლის 14 ენდემური ჯიშო, ხუროთმოძღვრება, ქართული პოლიფონია, ქართული სამზარეულო და ჩვენი, ის ზოგადსაკაცობრიო ღირებულებები წარმოუდგება, რასაც მსოფლიო მათი მნიშვნელობიდან გამოძინარი, თავისადაც მიიჩნევს - ღირებულად, ძვირფასად, დასაცავად. მადლობა ბატონ გიას, რომ ეს კვლავ შეგახსენა და გაგვიჩინა იმედი, რომ ჯერ კიდევ არსებობს ხალხი, რომელსაც თანამედროვეობასთან ეს ჭიდილი ანუხებს, სტკივა და სამშობლოს საკეთილდღეოდ იბრძვის.

შუშუნა ყანაშვილი
საბუნა ბენაშვილი



მართვის მოწოდების აღება ორბიტალიანი გახდა

მართვის მოწოდების ასაღები გამოცდა ორბიტალიანი გახდა, მისი ჩაბარება რეალურ მოძრაობაში გახდა საავტომობილო უსაფრთხოების უზრუნველყოფის ერთ-ერთი პრიორიტეტული მიზანმიმართული ღონისძიება.

იმედა მაკასარაშვილის თქმით, პირს, რომელიც მართვის მოწოდების თეორიულ გამოცდას ჩააბარებს, 30 დღის ვადა ეძლევა იმისათვის, რომ დახურულ მოედანზე ჩააბაროს პრაქტიკული გამოცდის 1-ლი ეტაპი. გამოცდის 1-ლი ეტაპი იგივე ნებისმიერ ჩატარდება, რაც აქამდე მოქმედებდა, ვინც ამ ეტაპსაც ჩააბარებს, უკვე მოუწევს პრაქტიკული გამოცდის რეალურ მოძრაობაში - ქუჩაში ჩაბარება.

„რეალურ მოძრაობაში პრაქტიკული გამოცდის დასაბუთებელი მთავარი სინჯარა 80 კმ/სთ-მდე სიჩქარის გზას მოიცავს. გამოცდის ამ ეტაპზე სხვადასხვა ტიპის გზები და სირთულეები იქნება დასაძლევია ავლიკანტის მიერ - რეგულირებადი, თუ არარეგულირებადი გზაჯვარედინები, ზოგან ხდია გამოყენებული, რთული რელიეფის (ალმარითიანი) გზებიც არის გათვალისწინებული, ასევე რთულად დასაძლევია მონაკვეთები.

ავირჩიეთ სპეციალური მარშრუტები და სწორედ ეს მარშრუტებია, ის გზა, რომელიც უნდა გავლოს ავლიკანტმა გამოცდის წარმატებით ჩააბარებლად.

პირს მინიმუმ 25 წუთის განმავლობაში მოუწევს პრაქტიკული გამოცდის რეალურ სივრცეში ჩაბარება და ეს 25-წუთიანი მონაკვეთი მოიცავს დაახლოებით 15-დან 17 კმ-მდე გზას. ავლიკანტს ნინასნარ არ ეცოდინება თუ რომელი მარშრუტის გავლა მოუწევს, თვითონ პროგრამა უკარნახებს, სად უნდა გადაუხვიოს, რომელ გზაზე უნდა წავიდეს და რა მარშრუტით უნდა იმოძრაოს. ამ ეტაპზე მნიშვნელოვანია, რომ კანდიდატი დამოუკიდებლად იმ საგზაო ნიშნებსა და მონიშვნებს, რაც ამ საგზაო მოწოდებაზე შეხვდება.

პრაქტიკული გამოცდის 1-ელ ეტაპზე კანდიდატს ეძლევა 100 ქულა, საიდანაც არ უნდა დააგროვოს - 40 ქულა, გამოცდის წარმატებით გასავლელად. მე-2 ეტაპზე კი გვაქვს მძიმე (საფრთხის შემცველი) ქმედება, საავტომობილო სივრცის შექმნა და მსუბუქი შეცდომები (ავსტომატორის მართვა, სიჩქარის გადართვა). შეფასების კუთხით 12 მსუბუქი შეცდომა არ უნდა დააგროვოს, რომ ჩააბაროს გამოცდა და ამასთან, 1-ზე მძიმე შეცდომაზე კანდიდატი ჩაჭრილად ჩაითვლება. ჩაჭრის შემთხვევაში ავლიკანტი 30 დღიანი ვადის შემდეგ შეძლებს განმეორებით გამოცდაზე გასვლას. თუმცა, ასევე შეუძლია დაჩქარებული სერვისითაც ისარგებლოს,“ - განაცხადა მაკასარაშვილმა.

მისივე თქმით, მართვის მოწოდების პრაქტიკული გამოცდის მე-2 ეტაპზე



ერთჯერადად გასვლის საფასური არის 90 ლარი, ხოლო დაჩქარებული სერვისის შემთხვევაში ღირებულება - 160 ლარია. გარდა ამისა, მართვის მოწოდების მიღების მსურველები, მომსახურების სააგენტოს მიერ დადგენილი ახალი წესების მიხედვით, პრაქტიკული გამოცდის მეორე ეტაპისთვის მომზადებას ვერ შეძლებენ. საუბარია ახალ მარშრუტებზე, რომელიც გამოსაცდელმა ქალაქის რეალურ მოძრაობაში უნდა გაიაროს. ამ მარშრუტებზე პრაქტიკული სწავლება აკრძალული იქნება. გზის იმ მონაკვეთებს, სადაც ავტოსკოლების ინსტრუქტორებს სწავლება შეეძლება, მუნიციპალიტე-

ტები თავად დაადგენენ. მართვის უფლების მიღების მსურველები პრაქტიკული გამოცდის ახალი სტანდარტით ჩაბარებას 9 ქალაქში: რუსთავეში, გორში, თელავში, ფოთში, ახალციხეში, ქუთაისში, საჩხერეში, ოზურგეთსა და ბათუმში. „B“ და „B1“ კატეგორიის სატრანსპორტო საშუალების მართვის უფლების მისაღები პრაქტიკული გამოცდა ორბიტალიანი მიმდინარე წლის 25 აპრილიდან გახდა. მძღოლობის მსურველს თეორიული გამოცდის ჩაბარებიდან 30 დღის განმავლობაში აქვს უფლება გავიდეს პრაქტიკულ გამოცდაზე, მისი ჩაბარების შემდეგ, მეორე ეტაპის გამოცდის გასავლელად კი ერთი წელი აქვს.

ბიომეტრიული პასპორტებისა და პირადობის მოწოდების აღების ფასები იცვლება



პირველი მაისიდან ბიომეტრიული პასპორტებისა და პირადობის დამადასტურებელი მოწოდების აღების ფასი იზრდება. თუ დღეს ბიომეტრიული პასპორტის

საფასური სრულწლოვანი პირისთვის 10 სამუშაო დღეში გაცემის შემთხვევაში 100 ლარია, მაისიდან მისი ფასი 150 ლარი იქნება. შესაბამისი დადგენილება საკანონმ-

დებლო მაცნეზე გამოქვეყნდა. ახალი განფასება ბიომეტრიული პასპორტის აღების შემთხვევაში ასეთია: მე-10 სამუშაო დღეს გაცემისათვის — მომსახურების საფასური 150 ლარი; მე-5 სამუშაო დღეს გაცემისათვის — მომსახურების საფასური 150 ლარი და დაჩქარებული მომსახურების საფასური 30 ლარი; მე-3 სამუშაო დღეს გაცემისათვის — მომსახურების საფასური 150 ლარი და დაჩქარებული მომსახურების საფასური 75 ლარი; მე-2 სამუშაო დღეს გაცემისათვის — მომსახურების საფასური 150 ლარი და დაჩქარებული მომსახურების საფასური 150 ლარი და სხვა. მაისიდან პირადობის ელექტრონული მოწოდების აღების ფასიც ორმაგდება. თუ დღეს პირადობის ელექტრონული მონ-

ობის საფასური მე-10 სამუშაო დღეს 30 ლარს შეადგენს, მაისიდან მისი ფასი 60 ლარი იქნება. ამ შემთხვევაში განფასებას ახალი წესი ასეთია: მე-5 სამუშაო დღეს გაცემისათვის — მომსახურების საფასური 60 ლარი და დაჩქარებული მომსახურების საფასური 20 ლარი; მე-3 სამუშაო დღეს გაცემისათვის — მომსახურების საფასური 60 ლარი და დაჩქარებული მომსახურების საფასური 40 ლარი; მე-2 სამუშაო დღეს გაცემისათვის — მომსახურების საფასური 60 ლარი და დაჩქარებული მომსახურების საფასური 60 ლარი; იმავე დღეს გაცემისათვის — მომსახურების საფასური 60 ლარი და დაჩქარებული მომსახურების საფასური 90 ლარი.

მოსწავლეებს ექსკურსიაზე ღამისთევით წასვლა ეკრძალებათ

ბანათლების სამინისტრო სკოლებს მხოლოდ ერთდღიანი ექსკურსიის მონაწილეობის უფლება აქვთ, მოსწავლეების ღამისთევით ქალაქიდან გასვლა კი იკრძალება.

ამასთან, როგორც „ინტერპრესნიუსს“ განათლებისა და მეცნიერების სამინისტროში განუცხადეს, ექსკურსიის ადგილის შერჩევა უნდა მოხდეს ისე, რომ მანძილი სკოლიდან ლოკაციაზე 150 კმ-ს არ აღემატებოდეს.

ბარდა ამისა, ზომავადსაბანათლო დაწესებულებაში მონაწილე მოსწავლეების მიერ განსაზღვრული რამდენიმე დღის მინიმუმ, მნიშვნელოვანია, ექსკურსიის დროს არასრულწლოვანი არ მოხდეს მინარისა და წყალსაცავების მიმდებარე ტერიტორიაზე, მდინარეებში და სხვა დაუცველ ტერიტორიაზე. ასევე, რეგულარულად განათლების სამინისტროში სააბანათლო განუგებებს, ექსკურსიაში მონაწილე სრულწლოვან პირთა შორის უნდა იყოს სულ მცირე ერთი ქვიშინარი პირი, რომელსაც აქვს პირველადი სამედიცინო დახმარების აღმოჩენის უნარ-ჩვევები.

„სასკოლო ექსკურსიების ორგანიზების პროცესში, ზოგადასაგანმანათლებლო დაწესებულებები მოქმედებენ „საგზაო მოძრაობის შესახებ“ საქართველოს კანონისა და „ზოგადსაგანმანათლებლო დაწესებულებების მოსწავლეთა ექსკურსიების განხორციელების წესის დამტკიცების შესახებ“ საქართველოს

განათლების, მეცნიერების, კულტურისა და სპორტის მინისტრის 2019 წლის 31 მაისის N719 ბრძანების შესაბამისად.

აღნიშნული წესის შესაბამისად, ექსკურსიის ორგანიზატორ/ხელმძღვანელი პასუხისმგებელია მგზავრობის პროცესში და ექსკურსიის ლოკაციაზე მოსწავლეთა უსაფრთხოებაზე, რისთვისაც იგი გამოითხოვს და სკოლის დირექტორს, ექსკურსიამდე არანაკლებ 10 დღით ადრე, წარუდგენს ტრანსპორტის გამართულობის დამადასტურებელ დოკუმენტს, მძღოლის პირადობის დამადასტურებელი დოკუმენტისა და შესაბამისი კატეგორიის ავტომანქანის მართვის უფლების დამადასტურებელი მოწოდების ასლს, ინფორმაციას ექსკურსიის მიზნების, დაგეგმილი აქტივობების, მონაწილე პირების (მათ შორის, მცირეწლოვნების), პასუხისმგებელი პირების, ექსკურსიის თარიღისა და ლოკაციის შესახებ. სკოლის დირექტორი განიხილავს წარდგენილ ინფორმაციას/დოკუმენტებს და პერსონალური პასუხისმგებლობით იღებს გადაწყვეტილებას ექსკურსიის განხორციელების ან განხორციელებაზე უარის თქმის შესახებ.

მოსწავლეთა უსაფრთხოებისა და მომდინარე, ექსკურსია უნდა განხორციელდეს მხოლოდ ერთ დღეში, დამსთვეის გარეშე. ლოკაციის შერჩევა უნდა მოხდეს ისე, რომ მანძილი სკოლიდან ლოკაციაზე არ აღემატებოდეს 150 კმ-ს. მნიშვნელოვანია, ექსკურსიის დროს არასრულწლოვნები არ მოხვდნენ მდინარისა და წყალსაცავების მიმდებარე ტერი-

ტორიაზე, მენყერსაში და სხვა დაუცველ ტერიტორიაზე. ექსკურსიის ორგანიზატორი ვალდებულია მოსწავლეს, მის წარმომადგენელს და ექსკურსიაში მონაწილე სხვა პირებს მიაწოდოს სრულყოფილი ინფორმაცია ექსკურსიის თარიღის, ლოკაციის, დაგეგმილ ღონისძიებათა მიზნების, აქტივობების და მონაწილე და პასუხისმგებელი პირების შესახებ. ექსკურსიის ორგანიზატორს უნდა ჰქონდეს მოსწავლის მშობლის წერილობითი თანხმობა ექსკურსიაში მოსწავლის მონაწილეობის შესახებ, თუ მოსწავლის წარმომადგენელი არ ახლავს მას ექსკურსიაზე. ექსკურსიაში მონაწილე სრულწლოვან პირთა შორის უნდა იყოს სულ მცირე ერთი ქმედუნარიანი პირი, რომელსაც აქვს პირველადი სამედიცინო დახმარების აღმოჩენის უნარ-ჩვევები. ექსკურსიის ხელმძღვანელს სრულყოფილად უნდა ჰქონდეს მონაწილე მოსწავლეებისა და მშობლების მონაცემები, მათ შორის, ინფორმაცია მონაწილე მოსწავლის სპეციალური საჭიროებების შესახებ. მოსწავლეების, მშობლებისა და მასწავლებლების ექსკურსიაზე ტრანსპორტირება უნდა განხორციელდეს კანონმდებლობით დადგენილი მოთხოვნების დაცვით, ფიზიკური ან იურიდიული პირის მიერ იმ სატრანსპორტო საშუალებით, რომელსაც გავლილი აქვს ტექნიკური შემოწმების კანონმდებლობით დადგენილი წესით. სატრანსპორტო საშუალებას უნდა

მართავდეს შესაბამისი გამოცდილებისა და სათანადო კატეგორიის მართვის მოწოდების მქონე მძღოლი. სატრანსპორტო საშუალებაში უნდა იყოს განთავსებული პირველადი სამედიცინო დახმარების ჩანთა. მოსწავლეთა ტრანსპორტირებისას მათი კვების მიზნით საკვები პროდუქტების ტრანსპორტირება უნდა ხორციელდებოდეს სანიტარული პირობების დაცვით. შეზღუდული შესაძლებლობის მქონე არასრულწლოვანთათვის ტრანსპორტირება უზრუნველყოფილი უნდა იყოს მათი საჭიროების გათვალისწინებით. ღამისთევით, გაცნობავთ, რომ ახალი კორონავირუსით (Covid 19) გამოწვეული პანდემიის პირობებში ნებისმიერი აქტივობის ჩატარებისას დაცული უნდა იქნას კორონავირუსის გავრცელების პრევენციის მიზნით, კანონმდებლობით დადგენილი ყველა რეგულაცია. ბარდა კომპლექსურად სკოლის დაწესებულების აუცილებლობის, უნდა შეიზღუდოს სხვა ნებისმიერი რეკონსტრუქციული და ავადმჯობის ნიშნავის მიწოდების მიწოდება სსსკოლო ექსკურსიაში“, - ნათქვამია განათლების სამინისტროს მიერ გავრცელებულ ინფორმაციაში.

გვერდის მასალები მოამზადა შუშუნა ჯანაშვილმა

რუსეთის რამდენი მოქალაქე ფლობს უძრავ ქონებას საქართველოში?

რუსეთის მიერ უკრაინაში შეჭრისა და ფართომასშტაბიანი სამხედრო აგრესიის შემდეგ, რუსეთის ფედერაციის მოქალაქეებს ბევრ ქვეყანაში სანქციები დაუწესდათ სხვადასხვა მიმართულებით, მათ შორის ქონების შეძენაზე.

საინტერესოა, რუსეთის რამდენი მოქალაქე ფლობს უძრავ ქონებას საქართველოში. საჯარო რეესტრის ინფორმაციის თანახმად, საქართველოში რეგისტრირებულია 20 993 რუსეთის ფედერაციის მოქალაქეთა უძრავი ქონება.

„სსიპ საჯარო რეესტრის ეროვნულ სააგენტოში გაცნობებით, რომ უძრავ ნივთებზე უფლებათა რეესტრის მონაცემებით, უძრავი ნივთის მესაკუთრედ რეგისტრირებულია 20 993 რუსეთის ფედერაციის მოქალაქეობის მქონე პირი, მათ შორის 10 411 პირი რეგისტრირებულია ინდივიდუალური საკუთრების საგნის (ბინის, საცხოვრებელი და არასაცხოვრებელი ფართების) მესაკუთრედ“- აცნობეს უწყებიდან „ბიზნესპრენსიუსს“.

ინფორმაციისთვის, შინაგან საქმეთა სამინისტროს მონაცემებით, 2022 წლის მარტში საქართველოში შემოსული რუსეთის მოქალაქეების რაოდენობამ 45 100-ს მიაღწია, რაც საქართველოში შემოსულების 18%-ს შეადგენდა. ამას გარდა, წინა თვესთან შედარებით, 68.8%-ით გაიზარდა შემოსული რუსეთის მოქალაქეების რაოდენობა.

„რუსეთმა უკრაინაში ომის დანაშაულები ჩაიდინა“

Amnesty International-ის განცხადებით, არსებობს დამაჯერებელი მტკიცებულება, რომ რუსულმა ჯარებმა ჩაიდინეს ომის დანაშაულები, მათ შორის მშვიდობიანი მოქალაქეების სიკვდილით დასჯა, როდესაც მათ თებერვალსა და მარტში უკრაინის დედაქალაქთან ტერიტორია დაიკავეს.

უფლებადამცველი ორგანიზაციის განცხადებით, რუსული ძალები სამოქალაქო პირებს „ანამებდნენ და ესროდნენ“ კიევზე წარუმატებელი თავდასხმის დროს, უკრაინაში შეჭრის ადრეულ ეტაპზე.

დოკუმენტის თანახმად, რუსმა ჯარისკაცებმა ბუჩაჩში ჩაიდინეს „აშკარა ომის დანაშაულები“, მათ შორის „ბევრი უკანონო მკვლელობა“.

ორგანიზაციის მტკიცებით, რუსული ავიაციის მიერ 1-2 მარტს ქალაქ ბოროდიანკაში საცხოვრებელ კორპუსებზე განხორციელებული დარტყმები, რის შედეგადაც სულ მცირე 40 მშვიდობიანი მოქალაქე დაიღუპა, იყო „არარეგულარული და განურჩეველი და აშკარა ომის დანაშაული“.

შეგახსენებთ, რუსეთი, რომელიც უკრაინაში შეჭრას „სპეციალურ ოპერაციას“ უწოდებს, ამტკიცებს, რომ მისი მიზანი „უკრაინის განთავსება და დენაციფიკაცია“.

თამარ ბაბუნია აცრების რაოდენობასა და კორონავირუსის შემთხვევებზე ისაუბრა

საქართველოში შემთხვევების რაოდენობა მნიშვნელოვნად იკლებს, სტაბილიზაციის ტენდენცია აშკარაა, - ამის შესახებ ჯანდაცვის მინისტრის მოადგილე თამარ ბაბუნია ჟურნალისტებთან ეპიდვითარებაზე საუბრისას განაცხადა. როგორც გაბუნია აღნიშნავს, დღიური ინფიცირების მაჩვენებელი 100-150-მდე მერყეობს.

„საქართველოში შემთხვევების რაოდენობა მნიშვნელოვნად იკლებს, სტაბილიზაციის ტენდენცია აშკარაა. შემთხვევების გამოვლენისთვის ტესტირება გრძელდება. დღეში ინფიცირების მაჩვენებელი 100-დან 150 შემთხვევას არ აღემატება. კვირაში ერთხელ გამოქვეყნება ჯამური სტატისტიკა. კვლავ მნიშვნელოვანია ვაქცინაციის პროგრამის გაგრძელება და გაფართოება. ჩვენ დღეს მოსახლეობის 34% გვყავს ვაქცინირებული, რაც არ არის საკმარისი დაცვისთვის, თუ კვლავ იქნება გარკვეული მუტაციის რისკი“- აღნიშნავს გაბუნია. COVID-19-ის საწინააღმდეგო ვაქცინაციის სტატისტიკა: 6 მაისის მონაცემებით სულ ჩატარებულია 2 885 315, მინიმუმ 1 დოზით ვაქცინირებულია ადამიანი 1 366 832, >18 ასაკის მოსახლეობის 47.6%, სრულად ვაქცინირებულია 1 264 740 ადამიანი, >18 ასაკის მოსახლეობის 44.0%, ბუსტერ დოზით აცრილია 250 249, 12-15 წლის მოზარდებში მინიმუმ 1 დოზით აცრილია 4 238 (2.39%) სრულად აცრილია - 3 366 (1.90%), 16-17 წლის მოზარდებში მინიმუმ 1 დოზით აცრილია 12 708 (15.67%) სრულად აცრილია- 11 228 (13.85%), 5 მაისს ჩატარდა 467 აცრა, ვაქცინაციაზე რეგისტრაციისთვის შეგიძლიათ დარეკოთ 1522 ან ეწვიოთ ბოკინგ.მოპ.გოვ.გე, ასევე შესაძლებელია რეგისტრაციის გარეშე მიმართოთ უახლოეს ამცრელ პუნქტს.

გაზეთი „შირაქი“ დაინტერესდა ჩვენს მუნიციპალიტეტში არსებული კოვიდ ვითარებით. როგორც ჩვენთან საუბარში, მუნიციპალიტეტის მთავარი ეპიდემიოლოგი ლალი ალაღაშვილი აცხადებს, „პანდემიის დაწყებიდან დღემდე დაფიქსირებულია 7251 დადებითი შემთხვევა. მხოლოდ 2022 წელს 2710 ინფიცირებული იყო. აპრილის თვეში 51 დადებითი, ხოლო მაისში 5 დადებითი ფაქტი აღინერა. მთლიანად კორონავირუსით დედოფლისწყაროში გარდაიცვალა 81 ადამიანი. მათ შორის 2020 წელს გარდაიცვალა - 12, 2021 - 50, 2022 წელს კი - 19. შემთხვევების კლების დინამიკა დადებითია, მთლიანად უკეთესობის გეგმვს, ჯერჯერობით რეგიონალური ჯანდაცვის ცენტრი ისევ კოვიდ-კლინიკის სტატუსით აგრძელებს მუშაობას“.



მონატრება

ფიქრია ქადაგიძე



ჩემო უსაყვარლესო შვილო, დიდი ტკივილი მომაცენა შენმა სიკვდილმა, რასაც არავის არ ვუსურვებ ცხოვრებაში, რადგან ყველაზე მძიმეა და გაუსაძლისი შვილის სიკვდილი. ჩემთვის ცხოვრებას არავითარი აზრი აღარ აქვს.

ჩემო ლამაზო, კეთილო შვილო, დედოფლისწყაროში ყველას უყვარდი, ყველა საუკეთესო პედაგოგად გიცნობდა, უყვარდი ახლობლებს, მეზობლებს, მეგობრებს, რომლებიც დღემდე შენს გარდაცვალებას გლოვობენ. ჩემო საყვარელო შვილო, გამოაკლდი შენს ოჯახს, შვილებს, შვილიშვილებს, სანათესაოს. თვალებით მუდამ შენ დაგეძებ, მახსენდება შენი წარსული, ყურში ჩამესმის წინასააღდგომოდ, წითელ პარასკევს შენი მძიმე სუნთქვა და ტკივილიანი კვნესა, რომელმაც საბოლოოდ დაგვაშორა, და აი ახლაც, აღდგომა დღეს, 4 წელი შესრულდა რაც გარდაიცვალე. გაივლის წლები, გაგრძელდება ცხოვრება უშენოდ, მაგრამ დრო ვერ წაშლის იმ დიდ სიყვარულს, რომელსაც დედა-შვილობა ჰქვია. ყველას ძალიან დააკლდი ჩემო ტკბილო, თბილო და უწყინარო შვილო, ფიქრია - შენს ძმას, ძმისშვილებს, დეიდებს, დეიდაშვილებს და ბიძაშვილებს. ახლა კი, ჩემო ფიქრია, ყველაფერს ერთად გილოცავ - 3 მარტს დედის დღეს, 8 მარტს -ქალთა დღეს.

შვილო, მიყვარს შენი ქვაზე გამოხატული სახე საფლავეზე და მენატრები. ყოველთვის ვილოცებ შენი ნათელი სულისთვის. დაე, ჩემმა დანთებულმა სანთლებმა გაგაგინათოს გზა ცათა სასუფეველში. შენს ხსოვნას დავინყებთ არ უწერია, ჩემო საყვარელო შვილო, ფიქრია.

შენი მონატრებული დედა, ლილი ქადაგიძე-პოპიაშვილი

ბელურა ნუგზარ და ნანული მაჩაბლიშვილები



ენა ვერ აწერს ისეთ ტკივილს, როგორც ჩემი გული იმყოფება თქვენი დაკარგვის შემდეგ. ბევრი სასიხარულო ამბებიც იყო თქვენი ამ ქვეყნიურ ცხოვრების დატოვების შემდეგ, მაგრამ ჩემთვის არავითარი წამალი აღარ არსებობს, რომ ჩემი გული განიკურნოს. სადაც გინდა ვიყო, ჩემს თავს კითხვას ვუსვამ, ნეტავ რა დავამავე ისეთი, რომ ღმერთმა ასე გამწირა? სიბერეში ასეთი მწარე ხვედრი მერგო, ორი შვილი უდროოდ გამომეცალა ხელიდან. 48 წლის ნუგზარი და 54 წლის ნანული მაჩაბლიშვილები. მეუღლე ბელურა მაჩაბლიშვილი, რომელიც შვილების დარდს მალე გადაჰყვა. ჩემო საყვარელო ნანული, მინდა, მოგილოცო 11 მაისი, ის ხომ შენი დაბადების დღეა. უკვე 5 წელია, რაც იმქვეყნად გილოცავთ დაბადების დღეს. ამავე დროს უკვე ბებო გახდი და ერთი წლისაა უტა ბიჭი, შვილო. ნუგზარ, შენც მინდა მოგილოცო და გახარო, რომ პაპა გახდი და დიტოსაც უკვე ერთი წლის ბიჭი ჰყავს.სასიხარულოა ის, რომ თქვენი დანატოვარი შვილები და შვილიშვილები ყოველთვის მოგიგონებენ. ჩემი თავისთვის მშურს, რომ მე დიდი ბაბო ვარ.

აქედან გეფერებით ჩემო ქმარ-შვილო და ნათელში იყოს თქვენი კეთილი სულები. ვიცი, როგორი კეთილებიც იყავით. დარწმუნებული ვარ, რომ თქვენი სულები სამოთხეში იქნება. ილოცეთ თქვენი შვილებისა და შვილიშვილებისთვის.

დედა, ციცინო გონაშვილი-მაჩაბლიშვილი

დედოფლისწყაროს მნიგნობართა ასოციაცია სამძიმარს უცხადებს ცნობილ თეატრმცოდნესა და ტელენაწყვანს ნიკოლოზ ნულუკიძეს და მის ოჯახს, მცირეწლოვანი შვილის კონსტანტინე ნულუკიძის

ტრაგიკული გარდაცვალების გამო. ოჯახს უსურვებს გამძლეობასა და სულიერ მხნეობას. დაე, უფალმა ცათა სასუფეველი დაუმკვიდროს პატარა ანგელოზს.

ს ა უ კ ე თ ე ს ო უ ე დ ე ბ ი

29 აპრილს, ქართლში, ქმორში გაიმართა ტრადიციულად დალუჯული სპორტსმენის ვახტანგ ქუთათელაძის სახელობის სსოვნის ტურნირი კიკბოქსინგში.

აღნიშნულ შეჯიბრზე მონაწილეობდნენ ტაილანდური კრივისა და კიკბოქსინგის ფედერაციის (პრეზ. გორა ჯავახია) სხვადასხვა გუნდები.

დაძაბული ორთაბრძოლების შემდეგ სხვადასხვა ასაკობრივი ჯგუფის წინით კატეგორიაში გამოვლინდნენ გამარჯვებული სპორტსმენები.

შესანიშნავად იასპარეხეს დედოფლისწყაროს მუნიციპალიტეტის კიკბოქსინგის გუნდი „ჩემპიონი“ ს (მწვრთ. თამაზ ყარაგვეზაშვილი) სპორტსმენებმა. ჯამში კი მათ 14 მედალი მოიპოვეს, აქედან 4 პირველი, 6 მეორე, 4 მესამე ადგილი.

ჩემპიონები გახლან: საბა ლვინაძე 54 კგ; მიხეილ გალდასარიანი 67 კგ; ნიკა თარალაშვილი 80 კგ; ლუკა ზურიკაშვილი 86 კგ.

მეორე საპრიზო ადგილი და პერსონალს მიეძღვა: ჭუბაბრია ლაშა; ნიკოლაი ლუკა; იური სინოვი ლევანი; გალდასარიანი გიორგი, ყაჭაშვილი ლუკა; ნაროზაშვილი ჰამა.

მესამე საპრიზო ადგილი და ბრინჯაოს მედალი: ჯავახიშვილი სოსო; ჯამასაიშვილი გიორგი; ტუშასიანი ლუკა; ანთაძე სანდრო.

აღნიშნულ ტურნირზე გამორჩეულად კარგად იბრძოლა მიხეილ ბაღდასარიანი (67 კგ) და ახალბედა კიკბოქსინგელმა ლუკა ზურიკაშვილმა (86 კგ). მათ ყველა ორთაბრძოლა აშკარა უპირატესობით დაასრულეს და ჩემპიონის ტიტულიც მოიპოვეს.

შეჯიბრის დასასრულს საპრიზო ადგილებზე გასული ყველა სპორტსმენი დაჯილდოვდა თასებით, მედლებით და სიგელებით.

გაზეთ „შირაქის“ რედაქცია ულოცავს დედოფლისწყაროელ სპორტსმენებს მიღწეულ გამარჯვებას. უსურვებს მათ, ყოველთვის ასეთი დიდი გამარჯვებით ესახელებინათ დედოფლისწყარო.



უცხოეთიდან გამოწვეულ ავანათებს მომსახურების ახალი მოსაპრებელი ემატება

14 მაისიდან უცხოეთიდან გამოწვეულ ავანათებს მომსახურების ახალი საკომისიო ემატება. ამის შესახებ ინფორმაციას თავად შემოსავლების სამსახური ავრცელებს. უწყების განმარტებით, ცვლილება თვითმომსახურების ელექტრონული სერვისების ნახალისებისთვის არის მიღებული, რადგანაც მომსახურებელს ეჩუსტომს-ის მეშვეობით ავანათის წინასწარი გატარების შემთხვევაში უფრო ნაკლები თანხის გადახდა მოუწევთ, ვიდრე ამ ოპერაციის ფიზიკურად გეზ-ში შესრულება ელირება.

შემოსავლების სამსახურის განცხადება: თვითმომსახურებისა და ელექტრონული სერვისების გამოყენების ნახალისება, მათ შორის, დეკლარაციების/მონაცემთა ავტომატიზებული სისტემა „eCustoms“-ში დაშვებული პირების მიერ „ეჩუსტომს“-ის მეშვეობით რეგისტრირებული საბაჟო დეკლარაციით განცხადებული საქონლის გაფორმებისათვის მომსახურების უპირატესი, განსხვავებული საფასურების შემოღება;

საქონლის საბაჟო დეკლარაციების „eCustoms“-ში დაშვებული პირების მიერ შევსებისა და საქართველოს საბაჟო ტერიტორიაზე შემოტანამდე საქონლის დეკლარირების ნახალისება, რის ფარგლებშიც ფართოდ იმ პროცედურების ჩამონათვალი, რომელთა გამოყენებისას შესაძლებელია საქონლის წინასწარი, საქართველოს საბაჟო ტერიტორიაზე შემოტანამდე დეკლარირება.

აღნიშნული ცვლილების მიხედვით, თვითმომსახურებისა და საქონლის წინასწარი (საქონლის საქართველოს საბაჟო ტერიტორიაზე შემოტანამდე) დეკლარირების ნახალისების მიზნით, ქვემოთ მოცემული საბაჟო პროცედურებისთვის მომსახურების საფასურები განისაზღვრა შემდეგნაირად:

„გარდა ზემოაღნიშნულისა, ნორმატიულ აქტში განხორციელებული ცვლილების თანახმად, გაფორმების ეკონომიკურ ზონა „ფოთში“ მომსახურების განვეის მიზნებისთვის არასამუშაო დროდ განისაზღვრა ორშაბათიდან პარასკევის ჩათვლით — 21:00 საათიდან მომდევნო დღის 10:00 საათამდე პერიოდი, შაბათს — 21:00 საათიდან ორშაბათის 10:00 საათამდე პერიოდი და უქმე დღეები. ამასთანავე, გაფორმების ორგანოებში არასამუშაო დროს შეიზღუდება ისეთი საქონლის გაფორმების მიზნით საბაჟო დეკლარაციის/რეექსპორტის დეკლარაციის შევსება, რომელიც არ მიეკუთვნება საქართველოს ფინანსთა მინისტრის 2019 წლის 29 აგვისტოს №257 ბრძანებით დამტკიცებული „საბაჟო კონტროლის შესახებ“ ინსტრუქციის (დანართი №2) მე-4 მუხლით გათვალისწინებულ, პრიორიტეტული წესით გაფორმებას დაქვემდებარებულ საქონელს.

ნორმატიული აქტი, ასევე მოიცავს შემდეგი მიმართულებებით ცვლილებებს:

- კონტინენტით შემოტანილ სატრანსპორტო საშუალებებში განთავსებული საქონლის საბაჟო ღირებულების განსაზღვრა და გაფორმება;
- მონაცემთა ავტომატიზებული სისტემა „eCustoms“-ით სარგებლობა;
- მატერიალური ფორმით წარდგენილი განცხადების საფუძველზე, საბაჟო დეკლარაციის/რეექსპორტის დეკლარაციისა და მისი თანხლები დოკუმენტების ასლების გაცემა;
- ფიზიკური საბაჟო ან ვეტერინარულ კონტროლს დაქვემდებარებული საქონლის ნებართვებისა და სერტიფიკატების გაცემა;
- ავტოსატრანსპორტო საშუალებების რიგების მართვის ელექტრონულ სისტემაში ჩართული M2, M3, N2 და N3 კატეგორიის ავტოსატრანსპორტო საშუალებების ავტოსადგომისათვის, შემოსავლების სამსახურის „საბაჟო გამშვებ პუნქტებში ავტოსატრანსპორტო საშუალებების რიგების მართვის ელექტრონული სისტემის“ მომსახურება;
- საფოსტო გზავნილებით შემოტანილი საქონლის გაფორმება;
- სეს ესნ-ის კოდის განსაზღვრის მიზნით სასაქონლო ექსპერტიზის განხორციელება, - ნათქვამია შემოსავლების სამსახურის განცხადებაში.

მ ა დ ლ ი ე რ ე ბ ა !

რაიკავპირის ყოფილ თანამშრომარს!

გარდამეცვალა ჩემი გამზრდელი და ნათესავი ქალბატონი, რომელიც ძალიან მიყვარდა და ვაფასებდი, რაიონის ერთ-ერთი პატივსაცემი პიროვნება, პედაგოგთა პედაგოგი ნინო (ნუცა) ბოსტოლანაშვილი. აღდგომის ბრწყინვალე დღესასწაული, მეუღლის სულის მოსახსენიებლად, ვანში გავატარე. ხუთშაბათს დავბრუნდი და ეს ტკივილიანი ამბავი დამხვდა. შევწუხდი, თითქმის სასონარკვეთილებას მივეცი, რადგან ვანიდან მობრუნებულს ერთი თეორიცი კი აღარ მომეპოვებოდა. იძულებული გავხდი, დახმარებისთვის მიმემართა ჩემი გაუქმებული სამსახურის ყოფილი თანამშრომარისთვის. დავრეკე ტელეფონზე და როდესაც ქალის ხმა გავიგე, დავიბენი, მეგონა სხვასთან მოვხვდი და ბოდიში მოვუხადე. მან კი ხმაზე მიცნო და დამამშვიდა, სხვაგან არ მოხვდი, ჩემი მეუღლის ნომერი ახლა მე მაქვს და მითხარი რა გიჭირსო. მე ავუხსენი ჩემი მდგომარეობა, სულ რაღაც ათ წუთში, ჩემს ტელეფონზე დარეკა ჩემმა ყოფილმა თანამშრომარმა და შეხვედრა მთხოვა. შეხვედით და... მინდა, დიდი მადლობა გადავუხადო მას და მის მეუღლეს იმ გულისხმიერებისა და ფინანსური დახმარებისთვის, რომელმაც მე ჩემი საყვარელი ნინო ღირსეულად მიმაცილებინა ზემო მაჩხაანის წმინდა გიორგის ეკლესიის სასაფლაომდე. მინდა, ვისარგებლო შემთხვევით და ამ კეთილშობილ ოჯახს მივულოცო გიორგობის ბრწყინვალე დღესასწაული, ვუსურვო მათ ჯანმრთელობა, დიდხანს სიცოცხლე და ბედნიერება, შვილებსა და შვილიშვილებთან გახარება, წარმატება და წინსვლა.

ავანიონარი, ყოფილი თანამშრომელი.

ა მ ი ნ დ ი		დ ე დ ო ფ ლ ი ს ც უ ა რ ო	
ორშაბათი 09.05 დღე ლაგვი	სამშაბათი 10.05 დღე ლაგვი	ოთხშაბათი 11.05 დღე ლაგვი	ხუთშაბათი 12.05 დღე ლაგვი
14°	7°	15°	6°
17°	5°	16°	6°
20°	8°	23°	10°
23°	11°	კვირა 15.05 დღე ლაგვი	

გამომცემელი შპს „შირაქი“
დირექტორი ინგა შიოლაშვილი
რედაქტორი ნაირა გორაშვილი-პოპიაშვილი
წერილში მოყვანილ ფაქტებსა და ციფრებს პასუხს ავებს ავტორი.

სარედაქციო კოლეგია: შუშუნა ყანჩაშვილი (ჟურნალისტი); ელზა ხარაშვილი (სტილისტ-მენეჯერი); ხათუნა ბენაშვილი (კორექტორი); ნათელა პოსტაშვილი (ბუღალტერი); ნინო ჯანაშვილი (ოფის-მენეჯერი); მზინა ქინძაძე (საქმის მწარმოებელი).
გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს „კოლორ პრესის“ სტამბაში.

რედაქციის მისამართი: ქალაქი დედოფლისწყარო, ფირომანის №18, ტელ. 0 356 22 22-85; 598 72-18-72 (დირექტორი) 591-09-24-65 (რედაქტორი)

რეგისტრირებულია დედოფლისწყაროს რაიონის სასამართლოს მიერ, №6014-468.